
RESOLUCIÓN DE 20 DE ABRIL DE 2020 DA SECRETARÍA XERAL SOBRE A SUSPENSIÓN DOS PROCESOS ELECTORAIS NA UNIVERSIDADE DE VIGO DURANTE O ESTADO DE ALARMA

Á vista da Disposición Adicional 3ª do Real Decreto 436/2020, de 14 de marzo, *por el que se declara el estado de alarma para la gestión de la situación de crisis sanitaria ocasionada por el COVID-19*, que dispoñe no seu parágrafo terceiro que *“se suspenden términos y se interrumpen los plazos para la tramitación de los procedimientos de las entidades del sector público. El cómputo de los plazos se reanudará en el momento en que pierda vigencia el presente real decreto o, en su caso, las prórrogas del mismo”*,

Á vista da Resolución Reitoral, do 27 de marzo do 2020, sobre a suspensión dos términos e dos prazos nos procedementos administrativos da Universidade de Vigo durante o estado de alarma,

Á vista do informe da Asesoría Xurídica sobre o asunto indicado no rótulo da presente resolución, do 16 de abril do 2020, onde se sinala que a este tipo de procesos “lles sería de aplicación o previsto na Disposición Adicional 3ª do R.D. 436/2020” e que “deberá ser a Comisión Electoral quen se pronuncie ao respecto sobre esta materia, como órgano con competencias específicas”

Á vista do acordo por asentimento adoptado o día 20 de abril do 2020 pola Comisión Electoral cara a suspensión dos procesos electorais na Universidade de Vigo durante o estado de alarma,

Á vista do disposto no artigo 18.1º do Regulamento electoral xeral da Universidade de Vigo, de 17 de outubro de 2019 sobre períodos inhabiles nas eleccións referidas no dito regulamento.

Consonte ao establecido no punto XI p) da Resolución Reitoral do 1 de decembro de 2018 de delegación de competencias (DOG do 7 de decembro) esta Secretaría Xeral

R E S O L V E

Primeiro: decretar a suspensión de todos os procesos electorais convocados na Universidade de Vigo durante o estado de alarma declarado no R.D. 436/2020 e as sucesivas prórrogas do mesmo.

Segundo: prohibir a convocatoria de novos procesos electorais na Universidade de Vigo desde o día seguinte á publicación da presente resolución durante o estado de alarma declarado no R.D. 463/2020 e as sucesivas prórrogas do mesmo.

Terceiro: informar de que tanto o cómputo de prazos nos procesos electorais xa convocados e que quedan suspendidos como as convocatorias de novos procesos electorais reanudaránse no momento en que perda vixencia o RD 436/2020, así como as sucesivas prórrogas do mesmo, e sempre de acordo co establecido no Regulamento electoral xeral da Universidade de Vigo

Cuarto: declarar que todos os cargos ou membros electos da Universidade que puideran ter cesado como consecuencia da extinción dos seus mandatos polo remate da duración prevista dos mesmos durante o estado de alarma ou as súas respectivas prórrogas poderán continuar en funcións ata o momento en que se celebren as novas eleccións ás que se refiren os parágrafos anteriores.

Contra a presente resolución, que esgota a vía administrativa, poderase interpoñer un recurso perante a xurisdición contencioso-administrativa, no prazo de dous meses, de conformidade co disposto na Lei 29/1998, do 13 de xullo, reguladora da xurisdición contencioso-administrativa, pero que se computará desde o día hábil seguinte á data de finalización da declaración do estado de alarma, con independencia do tempo que houbera transcurrido desde a publicación da presente resolución, sen prexuízo da eficacia e executividade da mesma, consonte ao disposto no del acto administrativo objeto de recurso o impugnación, de conformidade co disposto na Disposición Adicional Oitava do Real Decreto-ley 11/2020, de 31 de marzo, por el que se adoptan medidas urgentes complementarias en el ámbito social y económico para hacer frente al COVID-19.

As persoas interesadas poderán optar por interpoñer contra esta resolución un recurso de reposición, no prazo dun mes, que se computará segundo o indicado no parágrafo anterior, perante o mesmo órgano que a ditou. Neste caso non se poderá interpoñer un recurso contencioso-administrativo ata que sexa resolto expresamente ou se produciise a desestimación presunta do recurso de reposición interposto, segundo o previsto no artigo 123.2 da Lei 39/2015, do 1 de outubro, do procedemento administrativo común das administracións públicas.

En Vigo, a 20 de abril de 2020

O Secretario Xeral